

（明）方所

福州府志

（三）

（明）方所 主修

福州府志（明）方所主修

福州府志（明）方所主修

福州府志

〔上〕

〔明〕 喻 政 主修

福州市地方志编纂委员会整理

二〇〇一年七月

旧志整理编辑室

主 编 张天禄

顾 问 黄启权 林貽瑞

编 辑 林振平 陈金清 黄慧娜 吴善聘 郭 琳

黄凯端 陈 雯 林 娜 林梅春 方仁杰

梁信明 陈建安

编 务 钱 展 林雪锋 卓 颖 林跃东

出版说明

明代是中国修志事业最为兴盛的时代，福州亦然。至今共留下三部《福州府志》：一修于正德庚辰年（1520年）；一修于万历己卯年（1579年）；一修于万历癸丑年（1613年）。本书通称万历癸丑志。

纂修郡志，实非易事。且不说资金的筹措，人材的邀聘，资料的搜集；就以纂写原则而言，本志总纂林烜认为与写史相比有三难：一是博收之难，因“史所扬挖，皆曩代荐绅，声华已邈，公论犹存”，而“志则岁月非遥，朱门未改，衣冠济济，炫赫当途，莫不欲扬其先世，列迹名贤”。二是任怨之难，“史所雌黄，悉四海九州秦越之人，刺者无顾恋，美者无回互；志则近在父母之邦，非闾巷之姻连，则通家之世好也，有所月旦，辄自掣其肘”。三是分谤之难，“一代之史，杂出众手，责可辘轳委也，中秘宥密，外廷罕窥；志则独臧独否，旋草旋具，朝脱梨枣，夕布桑梓，千载荣辱，谁任其咎”。由此可见修志任务之艰巨！

本志是在正德庚辰志、万历己卯志的基础上纂成的。总纂林烜、林材，都是学有所成的官吏，在德业、学问、政绩、家世诸方面皆为一时之选；参加修纂的郑臬、马欵、陈价夫、邓原芳、朱国珍、郑邦谿、王毓德、徐燊等也都是享誉文坛之秀。因而，本志非但能克服“三难”，而且纂修质量较高，可谓明代府志之佼佼者。全书引用旧志材料的居十分之一，新增加的内容占十分之九。分为10目、76卷，内容遍及政治、经济、文化、军事、民俗诸方面，为后世保存了许多珍贵的历史资料。

今将此志点校出版，囿于水平，错误之处在所难免，敬祈识者指教。

本志由林贻瑞审校，梁信明、林梅春、郭琳、陈雯、陈建安、吴善聘、方仁杰、黄凯端、林娜、肖忠生、赵日和、施美榕、李凤莺、陈作赐、林金、薛朝武、朱昭祥、林秀榕、杨在奇参加校对。

福州市地方志编纂委员会

二〇〇一年七月

点校凡例

一、原文的繁体字，均改为法定的简化字。只对个别易于引起歧义的，始保留繁体字。

二、对原文加以新式标点符号，以便读者阅读。

三、原文中明显的错字、衍字，均予以改正；凡疑信参半，一时无法肯定的，则付阙如，姑存旧貌，以待识者。篇末不另加注文。

四、凡原文中有因避讳而改字，如“玄”改“元”、“丘”为“邱”、“弘”改“宏”的，或因避讳而减少字划的，均还原字，不另作说明。

五、凡原文中遇“国朝”、“朝廷”、“皇上”等作抬头处理的，均予取消。

六、为保留原貌，对原文不轻易改动。凡属时代、历史的问题：如斥农民起义为“寇”，赞颂忠臣、孝子、义夫、节妇的，一仍其旧，相信读者自有分析批判能力。

《福州府志》序

余惟自古列国有史，周官以小史掌邦国之志，外史掌四方之志。迨司马子长作史，驰骋上下数千百年，旁采百氏，勒成一家言。繇斯以降，郡邑纪载，各国史参考其来矣。

明兴，卜世迈周，人文滋盛，自藩司以及郡邑，靡不有志，咸彬彬可睹，斯亦小史、外史之遗已。余居恒尝叹史虽繁而力易，志虽简而力难。其说有三：史所扬挖，类皆曩代荐绅，声华已邈，公论犹存；志则岁月非遥，朱门未改，衣冠济济，炫赫当途，莫不欲扬其先世，列迹名贤，则博收之难。史所雌黄，悉四海九州秦越之人，刺者无顾恋，美者无回互；志则近在父母之邦，非闾巷之姻连，则通家之世好也，有所月旦，辄自掣其肘，则任怨之难。一代之史，杂出众手，责可辘轳委也，中秘宥密，外廷罕窥；志则独臧独否，旋草旋真，朝脱梨枣，夕布桑梓，千载荣辱，谁任其咎，则分谤之难。吾郡旧有志，昉自宋元，或多病其阔略。至先祖文安，始加采辑，属草未就，通参伯氏，足而成书。越甲子一周，为万历己卯，先兄文恪，又为删定，其文简，其事核，去取严而评鹭当，颇为海内所称赏，甫脱藁而即世。余每抚卷，不胜泫然也。又三十余载，洪都喻侯来领郡，振藻词坛，以文学饰吏治。会直指山阴陆公观风之暇，百度侯贞，加意旧章，首询郡侯曰：“吾闻闽地称海滨邹鲁，衣冠文物甲于东南。郡乘所侯，几何年矣，久不滋湮乎？补其阙略，以征晋安之文献，斯贤有司责也”。郡侯唯唯受命，乃征诸文学，而延不佞姪偕都谏林先生董其事。顾余衰老懵懵，何能为役，固辞弗获，幸都谏先生慨然载笔，聊受成焉。开局

道山，与诸贤从事鉛槧一岁余矣。覃思论次，博采旁諏，以癸丑春月告成，余受而卒業焉。视先兄旧志，因者什一，增者什九，定目有十，列卷七十有六。呜呼，备矣！正疆域则雄夸海甸，览山川则秀丽輿图，征物产则上需天府，稽建置则制详古今，肃戎备则金汤巩固，管食货则枪爨充盈，崇祀典而俎豆馨，定常赋而输挽办，此立志之大较也。至若蜿蜒扶輿，磅礴郁积，生为英贤、名公钜卿、忠贞节孝、艺苑儒林，炳炳汗简，后先相望，所以风百代而俟采择者，端有在矣。海滨邹鲁，亶其然乎！是志也，直指公始之，郡侯成之，编摩笔削，则都谏任之。独运匠斤，不都群议，卓为良史之才，信今传后，奚三难之足云。耄夫不能賛一辞，徒糜公家之既禀，愧矣！愧矣！若讨论润色，则水部谢君在杭、驾部王君永启，暨诸孝廉、文学、处士，咸有成劳。余以支离攘臂其间，侯缀一言以托不朽，不为厚幸乎？若乃袞钺其笔，以自附于知我罪我，此朝廷事也，史官责也，余何知焉！是为序。

万历癸丑春三月之吉，赐进士出身、资政大夫、南京工部尚书，予告郡人林烜序。

福州府旧志序

旧《三山志》昉于宋，续于元。我朝《八闽志》尝掇其旧，而增以新，归之至约，而挂漏之患不免。前大方伯胡公大声、郡伯余公子积，延大司马林泉山公、大司徒林成斋公、贰守林公世玉，纂为郡志，未就，而世玉捐馆，事遂寝。去年夏，郡伯叶公时用、贰守陈公汝耀，暨郡寮诸公，谋底厥成；都运黄景溪诸公，悉赞厥美。乃以属内翰刘公实夫、膳部林君贞孚、进士廖君师贤，而敬叨执觚翰于后，则充其约而为博也。居五阅月而稿脱，又五月而梓成，遂更名《福州府志》，仍谓敬宜有书，以告来者。惟今郡邑俱有志，即古列国史也。史有史臣专职，今志必待夫作者而后成，是固宜书。矧闽自常观察公兴学以来，至黄勉斋公得考亭正传，惠迪我后人。迄于今，圣明涵养于上，士风日振于下，大非唐宋比，是尤宜书。虽然，福，一郡也。三山鼎峙，十邑星罗，天启泰和，地钟灵秀，人民富庶，风化盛美，物产阜殖，贡赋充牣，逮至学校、公署、城池、市镇、桥梁、道路、四方游观之所，皆足为七郡冠冕，不但人文之盛也。兹志成矣！郡之人观感兴起，必思检点其心身，俾出人一头地，与前修若是班焉，则兹志为吾郡重也亦宜。苟徒以为考据之籍，谈谑之助，与吾心身不相关，则兹志亦微矣哉，奚容敬之赘书哉？郡之人尚益慎懋之哉？

时正德十五年庚辰二月朔，致浙江安吉州学正事、郡人张孟敬谨书。

福州府旧志序

志，志吾福也。福郡志，昉于唐《闽中记》。宋淳熙有《三山志》，元致和有《三山续志》。三山，古郡名也，故志因之。繄我皇明，治教隆兴，冠裳文物，雄于东南。百五十年来，未有萃而志之者，非一郡缺典欤？正德初，吾父泉山翁以留都司马致参赞事于家，郡侯余公佑尝以斯志属笔焉。遂偕致政大司徒林公泮、别驾林公谨夫、郡庠名士周子、朝仕李子谿辈同事于铅槧者久之。第一郡十邑之广，岁远政繁，劳于搜辑，志未就而司徒、别驾后先捐馆，有遗憾焉！又数年，栝苍叶公溥来自谏垣，才识宏远，治群郡绰有余力，锐意以毕斯志，谋于同寅。贰守陈公镛、通府叶公元晖、莫公惧节、推钱公应福赞襄允诺，都运黄公阅古、同运盛公龙胥捐俸以相其役。于是礼延州博士张子孟敬、庶吉士刘子世扬、进士廖子世昭同事编纂，而吾儿主事炫亦预焉。开局钟山，按旧志，据新编，参之以闻见，五阅月而书成。叶侯躬为评鹭，仍请裁于吾翁，且属为序。翁乐睹一郡文献之足征也，欣然诺之。诂意昊天不吊，吾翁奄逝，而序未就稿。侯入覲，贰守征握郡章，经营殒梓，又五阅月而工告成。顾谓不肖曰：“此尊翁之遗意也，子其续成之，毋让”。呜呼！岁月曾几何，而乡邦典刑相继凋谢。手泽犹新，音容何在，抚卷摧咽，执笔不能文。姑述其梗概如此，以塞侯请，以毕先大夫之志，言有尽而情无穷也，悲哉！志凡四十卷，首地理，终外志，其为纲若干，为目若干，条达详明，得志体。易以今名，遵王制也。或曰：“此郡志也，命使藩臬，何以系之郡耶？”曰：“福，首郡也，而公署临焉。有署斯有职，有职斯

有政，政之最者曰名宦。名宦固祀于郡庠，则职与政载之郡志，无嫌于僭，敢并及之。”正德十五年庚辰春三月。

赐进士出身、亚中大夫、云南布政使司左参政、前兵部郎中、知苏州府事、郡人林庭棣谨序。

福州府旧志叙

不肖桐，嘉靖己未赴南宮试，幸出闽宮保林文恪公门下，谒见即谬以国士许。树立无状，逡巡至郎署，归卧山中凡三十载。万历壬辰，蒙恩起田间，仅三载，滥竽闽节，甫视事，福诸生以府志进，受而卒業，则公手笔也。诸生复请曰：“林氏世履清德，文恪公行谊学业名一世，遭忌见厄，弗获黼黻皇猷，宣润鸿业，仅此志睹公一斑。为公知爱者，得无意乎？昔欧文忠作醉翁亭，苏长公亲为书之。亭中石宝，于今不衰。郡志较一亭记谓何？梓成逾一纪而莫为识其简，地主门生，两咎具在。惟执笔者图之。”桐蹙然曰：“唯唯。”无何，桐以衰老罢归，公介弟观察公以书来教，曰：“愿以终诸生请”。长君副郎、次君太学继申曰：“先文恪两与礼闈，一典畿试，长成均贰铨曹，门下士宁无一二厚善？至知先子生平，则耽耽于执事。愿有所藉口，以报墓木。”桐凄然不忍违，乃按志而叙之曰：“国有史，郡邑有志，家有谱，一也。记载欲备，考核欲精，议论欲正。识欲达，心欲虚。是故琐事小物不可遗也，疑传怪习不可因也，诡行僻学不可徇也，短画近利不可纪也，瑕瑜并著不可废也。斯志也，叙物产则无微不录，闢淫祀则非制勿存，辨中正则病新学之淆众，剖肝之非孝。植经常则，慨户口之多伪，兵食之渐销。立朝议论可称者，不以忌贤而并没其善，功名损于治郡者不以循良而概与其他。繇斯以谭，公之苦心直笔，远虑公心，大略可睹记已。诸生惜钜才之小用，感郡乘之仅存。窃谓当为世道惜，不当为公惜也。所恨平生辱国士之知。而还起还仆。既无韩昌黎之文学，以光显敬輿；又乏苏眉山之翰墨，

以传永叔。徒欲备蒸尝饘粥以安存歿，而犹兀兀未妥也，呜呼，愧矣！

万历丙申三月朔日，门生归安沈桐顿首识。

《福州府志》凡例

一、郡乘唐林谿有《闽中记》，宋淳熙有《三山志》，元致和有《三山续志》。

明兴二百余年，一修于正德庚辰，再修于万历己卯，今复三十年往矣。

国家之典制屡更，民俗之淳漓递变，或前人之纪载间有阙疑，或近日之搜罗时亦弋获，悉从考实，靡事夸多。

一、正德庚辰志宏而博，其纲十有三。万历己卯志简而严，其纲仅有四。盖汗牛者当删其繁，存羊者毋失其概。爰取裁于二志，厘为十则，庶于繁简有制，分类无乖。

一、闽自无诸启土，审知开藩，君长生育我千百年矣。后之人安居乐食，忘所自出，非刘定公叹禹之谊也。且有扶风、庐陵之信史在，述而不作，敢以弁之职官。

一、建文年号，先在革除，附于洪武之末。万历二十三年，礼科给事中杨天民、四川道监察御史牛应元各奏为国史，肇修阙典，当正建文年号，所宜议复。随该礼部题覆上请，奉圣旨：“建文事迹，著附载太祖高皇帝纪之末，仍存其年号，钦此。”今复称建文元年二年、三年、四年，尊新制也。

一、宋有特奏名，释褐、贤良、武举、宗子诸科，正德志存之，己卯志削之。虽其人与骨皆朽矣，但考之列藩请郡志，悉存其名，则固不忍使之终于泯灭也，仍次第纪之于篇。

一、三山为海邦都会，两台藩臬，揆文奋武，保障茧丝，署列如星，不纪之乘，安所附也。至于府幕、县佐、庠、司训皆有常职，以食于上，此而置之，于国家建官之意何故？书其

人，书其地，书其善与不善，俾后之人有所兴，且有所戒焉。

一、名贤宦于兹土，法施于民，倘不特书，后将安仰。至于翱翔皇路，伫陟要枢者，恐涉近谀之讥，则另为存考，藏之名山，以俟异日之采。

一、先辈名硕卿贰而上，累朝之实录具存问，不敢以月旦之评，别为臧否，至于分符绶绶，则郡国之志，班班可考，又何敢收谀墓之辞，作一佞书也。

一、叔孙穆子有言：“太上立德，其次立功，其次立言，此之谓不朽”。夫德与功懋矣，至于言，则阐明道术，羽翼圣经，邹鲁海滨，于斯为盛。继之而词宗之珥笔，源本典坟；哲匠之登坛，鼓吹风雅。于记叙者则详其文，于论著者则举其目。牖列简编，用昭文献。

修志姓氏

主 修

福州府知府 喻 政

协 修

同 知 邓全悌

通 判 文尚宾 古时学 吴汝器

推 官 周之夫

闽县知县 徐凤翔

侯官知县 金元嘉

福清知县 汪泗论

长乐知县 李芳馨

古田知县 黄凤翔

连江知县 方以知

闽清知县 田龙光

罗源知县 陈良谏

永福知县 唐学仁

总 裁

资政大夫南京工部尚书 林 烜

文林郎吏科都给事中 林 材

纂 修

奉议大夫工部都水司郎中 谢肇淛

承德郎南京兵部武选司主事 王 宇

分 纂

举 人 郑 梹

贡 生 马 欽

庠 生 陈价夫 邓原芳 朱国珍 郑邦震

布 衣 王毓德 徐 燊

督 刻

福州府照磨 欧阳序